



چار احوال نبی نوح

قیصہ نبی ۲
سورت نمبر 2

قيصه نبي ۲

دالم چور سورت ۲ ني ، هق نام ري
 "قيصه نبي ۲" اد رويت چارا حال
 توجه اورغ نبي سروف دباوه ني :

سورت 1 .	چارا حال	تو ادم
" 2 .	"	نبي نوح
" 3 .	"	نبي ابراهيم
" 4 .	"	نبي يوسف
" 5 .	"	نبي موسى
" 6 .	"	نبي داود
" 7 .	"	نبي سليمان

قيصه ۲ کسموا تو امبيق دالم کتاب
 فرجنجين لام ، هق ترماسوق کتاب تورات،
 کتاب زبور دغن کتاب ۲ نبي ۲ لائن جوگ.

23
 พท
 10110

چارا حال نبي نوح

کتاب تورات رویت چارا حال توهن بري جاريکن دنيا،
فس توء ارم بوات هق توهن لارغ . انق چوچو توء ارم
فون دوق درهاک کا توهن کهور ۲ تروق لاگي فد توء ارم .
ري جاهت سوغکوه رنداغن توهن ، هيغک سمفي توهن
جاتوه حکوم اتس مائسي تو دغن به بسر . توهن بري
جاري به بسر تو فد ماس نبي نوح . چوب باچ قيصة
نبي نوح دباوه ني ، هق امبيق دالم کتاب تورات دسورت
هق فرتام . نام سورت تو " کجادين ۲ هق اصل " . دغن
ريغکس بوليه فغکيل ري " کجادين " .

توهن بري تاهو دولو کوء نبي نوح
حال ۲ به بسر

کجادين 6 : 9 - 22

9 - 11 اينيله قيصة نوح . انق ري تيگ اورغ ، نام شيم ،
حام دغن جافيت . نوح ني اورغ هاتي جوجور، ري سئورغ
هق تاء بوات ساله اف ۲ فس دوق رافت دغن توهن سعمور .
تافي اورغ ۲ لائين تکه تو ، هاتي ري جاهت سوغکوه
رنداغن توهن . ري دوق بوات خيانة سام سنديري سرات
دنيا .

12-13 بیلا توهن تیلیق نیفوق کا دنیا ، نمفق کات مائسی هاتی جاهت کیتو لالو ، کران سماو تو روق تورو ت هق جاهت ساج ، ری فون کات کا نوح : اکو کرت سین ده نق هافوس بری هابیس سماو مخلوق نی ، سبب مائسی روق بوات خیانه سام سندی ری سرات دنیا .

14-16 مو گیله نوح ، امبیق کایو هق برمیق ۲ بوات سبواه کفل ، فس سکت بوات سفیق ۲ . لفس تو مو کنا کالا کفل رغن میق تر بالیق لوار بالیق دالم . مو کنا بوات بسر نی ، توهن کات ، فنجغ سراتوس تیگ فولوه تیگ میت ، بوک روا فولوه روا میت ، فس تیغکی تیگ بلس میت . بوات فرا بوغ بری ار جالا ، لواس ستغه میت . فس دالم کفل تو مو کنا بوات لنتی تیگ لافیس ، فس بوات فینتو سبوتیر ، روق د فیه کفل تو .

17 توجوان اکو ، توهن کات ، نق بری ایر ناءیک تیغکی جادی به بسر سرات دنیا ، نق هافوس بری هابیس سماو مخلوق هق روق هیدوف . سماو تو نق سلم ماتی هابیس . 18-21 تافی ، رغن فواق مو ، نوح ، اکو نق بوات فرجنجین هق تنتو ، توهن کات . مو کنا ناءیک اتس کفل تو رغن بینی مو سکالی رغن انق ۲ مو رغن بینی ۲ ری فون . باواء ناءیک جوگ سماو مخلوق هق مان ار ، سکلامین ۲ سبغسا ، نق بری سلامت سکالی رغن فواق مو . سماو تو کنا ناءیک تمفت مو نق بولیه سلامت . فس مو کنا باواء ناءیک کاتیق ، مکانن سماو فرکارا ، چارغ تاروه انتوق فواق مو رغن سماو بناتغ سائی ، توهن کات .

نوح فون بوات سماو فرکارا هق توهن سوروه تو .

توهن بري جاري به بسر

كجارين ۷ : 1 - 24

4 - 1 فس توهن کات کا نوح : مو کيله ناءيك کفل تو سکالي
 دغن سموا کلوارک مو. کران اکو کيرا کات مو سئورغ ساج
 هق هاتي جوجور دالم سموا مائسي هق روق ادلاني .
 چارا حال بناتغ ۲ هق کنا باواء ناءيك سکالي دغن مو تو،
 بناتغ ۲ هق حلال مو باواء ناءيك سبغسا ۲ توجوه کلامين ،
 تافي هق حرام سبغسا ۲ سکلامين ساج . فس بوروغ آتيف ۲
 بفسا ، باواء ناءيك توجوه کلامين جوگ، نق بري سموا تو
 بوليه سلامت ، انتوق نق برانق بريواه فول ائس بومي. کران،
 توهن کات ، چوکوف توجوه هاري ، اکو نق بري هوجن
 توروں امفت فولوه هاري امفت فولوه مالم ، نق هافوس بري
 هابيس سموا مخلوق هق اکو بري جاري تو .
 5 نوح فون بوات ، سموا فرکارا هق توهن سوروه .

10 - 6 تکه به بسر سرات دنيا تو ، عمور نوح ماسوق انم
 راتوس تاهون . فس نوح دغن بيني ري سکالي دغن انق ۲
 مننتو ري ، ناءيك کفل تو انتوق نق سلامت فد اير به .
 فس سموا بناتغ ۲ تو هق حلال دغن هق حرام سکالي دغن
 بوروغ ۲ فون ناءيك بلاک سکلامين ۲ سکالي دغن فواق نوح،
 ايکوت هق توهن سوروه کا نوح دولو. سمفي توجوه هاري
 تو، به فون ماري .

12 - 11 به ماري تو دالم تاهون هق نوح ماسوق عمور انم

راتوس ، تمفت توجوه بلس بولن روا . فد هاري تو جوگ ،
سموا مات اير باوه تانه تمبا توبيت ، فس اير هق دوق
اتس لاغيت فون چوره توروون . جاري ، هوجن توروون تو
امفت فولوه هاري امفت فولوه مالم .

13-16 فد هاري تو جوگ نوح ناءيك اتس کفل سکالي دغن

بينی دي . انق ۲ دي نام شیم ، حام ، جافیت تو فون
ناءيك جوگ سکالي دغن بينی ۲ دي . فس بناتغ ۲ سموا تو ناءيك
سکالي دغن نوح بلاک ، هق فیرا دغن هق لیار ، بسر
کچیک فون ، فس بوروغ ۲ سموا ، هق مان اد تو . مخلوق
مان ۲ فون هق بریاوا تو سکلامین ۲ سبفسا ، ناءيك کفل
بلاک سکالي دغن نوح تو ، سکلامین ۲ سروف هق توھن
سوروه دولو . فس، توھن کاتوف فینتو ر بلاکغ نوح .

17-22 اير دوق ناءيك تو سمفي امفت فولوه هاري بري

کفل بولیه تیمبول کهور ۲ تیغکی فد موک بومي . فس
اير کهور ۲ ناءيك کهور ۲ دالم لاکي ، بري کفل هاپوت
کي . اير ناءيك تو سهیغک سلم هابیس گونوغ ۲ هق تیغکی
سکالي ر باوه اوغکوف لاغيت . لفس تو ناءيك تیغکی لاکي فد
گونوغ ۲ تو توجوه میت . سموا هق دوق برجالن کي
ماری اتس بومي ماتي بلاک ، بوروغ ۲ ، بناتغ هق فیرا
دغن هق لیار ، بسر کچیک فون ، سکالي دغن مائسي ،
سموا هق بریاوا هق دوق اتس بومي ر مان ۲ فون ، ماتي
هابیس .

23-24 بالس توله توھن هافوس بري هابیس سموا هق هیوف

اتس موک بومي ني ، مائسي دغن بناتغ سمفي کا بوروغ ۲

فون ، ملينكن نوح ساج دغن فواق ري هق نائيك كفل
تو . فس اير دوق ستارا تو هيغك سمفي سراتوس ليم
فولوه هاري .

~~~~~

توهن بري به سورت

~~~~~

كجاري 8 : 1 - 19

- 1 - 3 تافي ، توهن دوق ايغت كا نوح دغن سموا بناتغ ۲
هق دوق سكالې دغن ري دالم كفل تو ، هق فيرا دغن هق
ليار فون . فس ري بري اغين سيوف اير نق بري كهوړ ۲
سورت . اير هق نائيك دالم تانه دغن اير هق تورو
اتس لاغيت ، توهن تاهن بلاك ده . هوجن فون برهنتي .
اير فون كهوړ ۲ سورت كي سلام سراتوس ليم فولوه هاري .
- 4 - 5 فد تمفت توجه بلس بولن توجه ، كفل تو فون
ترهندس د فونچق بوكيت نام ارارت . فس اير كهوړ ۲
سورت كي لاكي ، هيغك سمفي تمفت ساتو ، بولن سفولوه ،
باروله نمق فونچق ۲ گونوغ تيفكي .
- 6 - 7 لفس فد تو امفت فولوه هاري لاكي ، نوح فون بوك

فینتو ناتخ کفل ، فس امبیق بوروغ کاتق سئیکور ، فس گي .
 بوروغ تو تیغکل گي . ترخ کوء تو کوء ني هیغک سمفي ایر
 کریغ هابیس .

8 - 9 فس نوح فس بوروغ مرفاتي سئیکور فول ، نق تاهو ایر
 کریغ کا رق لاگي . تافي ، سابیت دارت تاء تیمبول لاگي ،
 بورغ مرفاتي تو تاء ار تمفت نق هیغکف . دي فون ترخ
 کلیق کا تمفت نوح ، فس نوح هولور تاغن ایکت باواء ماسوق
 دالم کفل فول .

10 - 12 دي ننتي توجه هاري لاگي بارو فس بوروغ مرفاتي
 تو گي سمولا فول . فتح تو جوک بوروغ تو کلیق کا تمفت
 نوح ، فس نمفق داءون زیتون سلائي هق مودا ، د مونچوغ
 دي . بالس توله نوح تاهو کات ایر کریغ ده . دي فون
 ننتي توجه هاري لاگي ، فس بوروغ تو گي فول ، فس
 بوروغ تو تاء کلیق ۲ ده .

13 - 14 تکه ایر کریغ تو یتولن دغن تمفت ساتو ، بولن ساتو .
 عمور نوح فون چوکوف انم راتوس ساتو تاهون . فس نوح
 فون بوک اتف فرابوغ کفل ، ناءیک تیغوق ، نمفق کات تانه
 کهور ۲ نق کریغ ده . فد تمفت روا فولوه توجه ، بولن روا ،
 تانه کریغ مولیق بلاک ده .

15 - 17 بارو توھن سوروه نوح کات : تورونله درفد کفل سکالي
 دغن بیني انق مننتو مو . باواء توبیت جوک مسموا بناتخ تو ،
 بوروغ ۲ دغن بناتخ ۲ هق دوق اتس دارت ، بسر کچیک
 فون ، نق بري دي بولیه گي برانق بریواه کهور بایق کهور بایق
 راتس موک بومي ني .

18-19 نوح فون تورون درفد کفل سکالي دغن بيني انق
منتو دي تو. سموا بناتغ تو فون توبيت کي جوگ سفواق ۲
ايکوت بفسا دي .

نبي نوح بوات قربان کا توهن

کجارين 8: 20-22

20 لفس تو نوح سوسون باتو ۲ سيمفن تمفت نق بوات
قربان کا توهن . فس دي امبيق بناتغ ۲ هق حلال گنف ۲
بفسا سمبليه بوات قربان سچارا باکر هابيس ، اتس تمفت
تو .

21 باءو اسف قربان تو فون نائيک کا توهن بري دي برکن .
فس توهن کات : اکو تاء سومفه ده اتس بومي دغن سابيت
هق مائسي بوات تو . سوڱوه اکو تاهو ده ، فيکيران دالم
هاتي مائسي جاهت رکچيک لاگي ، تافي اکو تاء بري بناس
سموا مخلوق سروف هق اکو بوات ده ني .

22 سلام دنيا ني ار ، اکو نق بري جاري توروٲ فرياغ ،
منانم دغن مڱتم ، فانس دغن سجوق ،
کماراو دغن هوچن ، سياغ دغن مالم ،
تاء فوتوس سعمور ۲ .

توهن بوات فرجنجين دغن نبي نوج

کجاردین 9 : 1 - 17

- 1 - 3 لفس تو توهن اوچف سلامت اتس نوح دغن انق ۲
 دي کات : مو گيله برانق کهور ۲ رامي بري فنوه سرات
 دنيا . جق ماس ني ، سموا بناتغ هق دوق اتس بومي ،
 بسر کچيک ، سمفي کا بوروغ ۲ دغن ايکن هق دوق دالم
 لائوت فون ، کنا تاکوت کفدامو . سموا تو نق دودوق باوه
 فرينته مو بلاک . لاني اکو بري مو بوليه ماکن بناتغ ۲ تو ،
 توهن کات ، سروف مو دوق ماکن ده تومبوه ۲ هن تو .
 لاني اکو بري سموا تو انتوق جاري مکانن مو .
- 4 - 5 تافي سکارا ، جاغن مو ماکن راکیغ هق ار داره
 لاگي ، کران پاوا بناتغ تو دوق ار سکالي دغن داره دي .
 سیاف هق بري تومفه داره مائسي فون ، اکو نق حکوم
 جاري بالسن ، توهن کات . اتوا بناتغ فون هق بري
 تومفه داره مائسي ، اکو نق بالس جوگ کا دي .
- 6 سبب اکو بري جاريکن مائسي
 ايکوت چونتهوه اکو سندیري ، توهن کات ،
 سابيت تو ، سیاف هق بري تومفه داره سام ۲ مائسي ،
 داره دي فون نق کنا تومفه ر اورغ جوگ .
- 7 فس مو فول ، نوح ، گيله برانق کهور ۲ رامي بري
 انق چوچو مو فنوه دالم دنيا .
- 8 - 10 فس توهن کات لاگي کا نوح دغن انق ۲ دي : دغرله ،
 اکو نق بوات فرجنجين هق تنتو دغن فواق مو سموا ،

سمفي کا انق چوچو مو فون ، فس سمفي جوگ کا بناتڻ ۲
 هق تويت دالم گفل سکالي دغن مو ، بوروغ ۲ بناتڻ ۲، هق
 فيرا دغن ليار فون ، سموا مخلوق هق روق هيڊوف تو .
 11 بالس نيله اكو بوات فرجنجين کو دغن فواق مو ،
 توهن کات . جق رهاري ني اكو تاءبري فوتوس ده پاوا
 سموا مخلوق دغن اير به سروف تو . اكو تاءبري بناس ده
 دنيا دغن بوات به بسر فول .

12-16 فس ، توهن کات : نيله تنڊا فرجنجين اكو هق
 تاء فوتوس بوات سلام ۲ ، هق اكو جنجي دغن فواق مو ،
 فس دغن سموا بناتڻ هق روق هيڊوف سکالي دغن مو .
 اكو لتق ڳان دالم اون ، توهن کات ، جاري تنڊا
 فرجنجين اكو دغن فواق مور دنيا . افبيل اكو بري اون
 ناءيك توگوق ، فس بري نمفق ڳان دالم اون تو ، معنائ
 اكو روق ايغت کا فرجنجين اكو دغن مو ، سکالي
 دغن سموا مخلوق هق ار تو ، کات تاء بوات ده به هق
 بوليه بري بناس سموا مخلوق تو . افبيل ڳان تيمبول دالم
 اون ، اكو بوليه نمفق فس تو ايغت کا فرجنجين کو هق
 تاء بوليه فوتوس تو ، دغن سموا مخلوق هق ار دالم دنيا ،
 توهن کات .

17 ڳان توله هق جاري تنڊا فرجنجين هق اكو جنجي
 ده انتوق سمرا مخلوق هق مان ار تو .







دالم کتاب انجیل رویت حال نبی نوح، کات دی اورغ هق سرو کات مائسی کما دوق بتول دافن توهن . دالم انجیل رویت جوک کات، توهن دوق صبر، تاء جاتوه حکوم سلالو اتس مائسی تکه نبی نوح دوق بوات کفل تو . فس سروف تو جوک، توهن دوق صبر دغن مائسی کیت لانی، سبب، اچی بولی، دی تاءسیر بری اورغ مان ۲ فون بناس، تافی نق بری فالیغ توبه درفد دوسا دی .
(چوب تیغوق دالم کتاب انجیل، سورت 1 فیترس 20:3، فس 2 فیترس 5:2 دغن 19:3) .
عیسی المسیح رویت کات، رکت نق قیامة ده، دی نق تورون ماری فول . فس دی کات، مائسی ماس تو نق جادی سروف دغن مائسی ماس نبی نوح دولو . چوب بچاله هق عیسی المسیح رویت چارا حال نبی دالم کتاب انجیل . دالم ایات ۲ نبی عیسی فغکیل دیری دی سندیری " مائسی هق تورون دشرک " .

انجیل : متیوس 24 : 38-42

38 فد ماس تو، بلوم فد ایر به بسر لاکي، اورغ دوق ماکن مینوم، جنتن بتینا دوق منیکاح سروف تولا، هیغک سمفی هاری هق نبی نوح نایک اتس کفل فون .

- 39 فس هاري تو جوڳ، فواق تو تاءاڳر لاڳي، سهيڻڳ اير به
 ناءِڪ بري سلم هابيس. بيلا اڳو، مائسي هق تورون دشرڪ
 ماري فول، نق جادي سروف تو جوڳ، عيسيٰ ڪات.
 40 فد ماس تو، اورغ جنتن دوا اورغ دوق تغه باروه، فس سئورغ
 ڪنا امبيق ڳي، سئورغ لاڳي تيغگل سِيَتو.
 41 فس اورغ بتينا دوا اورغ فول دوق کيسر فادي. سئورغ ڪنا امبيق
 ڳي، سئورغ لاڳي تيغگل سِيَتو.
 42 جاڳاله، عيسيٰ ڪات، سبب مو تاءاھو ربي مو نق ماري هاري
 مان.






33

*Wir haben hier keine bleibende Stadt,
sondern die zukünftige suchen wir.*

Hebr. 13, 14



*Studies about
Noah*

ตุ้ ป.ณ. 23 พระโขนง
กรุงเทพฯ 10110